

შპს „რკინიგზის ტელეკომის“ მაგისტრალურ/ძირითად („trunk“) ქსელთან დაშვების შეთავაზების წინადადება

წინამდებარე „მაგისტრალურ/ძირითად (trunk“) და „Backhaul“ გადაცემის ქსელთან დაშვების შეთავაზების წინადადებით“ (შემდგომში „მოწვევის ოფერტი“) განსაზღვრულია შპს „რკინიგზის ტელეკომი“ (შემდგომში „ოფერენტი“) მიერ მაგისტრალურ/ძირითად („trunk“) და „Backhaul“ გადაცემის ქსელთან დაშვების შეთავაზების პირობები, რომელიც ვრცელდება მაგისტრალურ/ძირითად („trunk“) და „Backhaul“ გადაცემის ქსელთან დაშვების მსურველი ყველა ავტორიზებული პირის მიმართ (შემდგომში „აქცეპტანტი“ ან „მეორე მხარე“).

ოფერენტი უზრუნველყოფს აქცეპტანტის დაშვებას მაგისტრალურ/ძირითად („trunk“) და „Backhaul“ გადაცემის ქსელთან შემდეგი არსებითი პირობებით:

მუხლი 1. ტერმინთა განმარტება

1.1. წინამდებარე მოწვევის ოფერტაში გამოყენებულ ტერმინებს აქვთ შემდეგი მნიშვნელობა:

1.1.1. აქცეპტის დოკუმენტაცია - 2.2 მუხლში მითითებული დოკუმენტები, რომლებიც აქცეპტანტმა უნდა წარუდგინოს ოფერენტს დაშვების პროცედურის ინიცირების მიზნით;

1.1.2. აქცეპტის ფორმა - აქცეპტანტის მიერ მოწვევის ოფერტის შესაბამისად შევსებული #3 დანართი, რომელიც ოფერენტს ეგზავნება დასადასტურებლად მოწვევის ოფერტაში მითითებული პირობების შესაბამისად;

1.1.3. მომსახურების ხელშეკრულება - ოფერენტს და აქცეპტანტს შორის მოწვევის ოფერტაზე აქცეპტის გაკეთების შედეგად გაფორმებული ხელშეკრულება მაგისტრალურ/ძირითად („trunk“) და „Backhaul“ გადაცემის ქსელთან დაშვების მომსახურების შესახებ;

1.2. წინამდებარე მოწვევის ოფერტაში გამოყენებული სხვა ტერმინების მნიშვნელობა განისაზღვრება საქართველოს სამოქალაქო კოდექსისა და „ელექტრონული კომუნიკაციების შესახებ“ საქართველოს კანონის შესაბამისად.

მუხლი 2. დაშვებასთან დაკავშირებული დათქმები, დაშვების წინაპირობები და პროცედურები

2.1. ოფერენტი უზრუნველყოფს მეორე მხარისათვის მაგისტრალურ/ძირითად („trunk“) ან/და „Backhaul“ გადაცემის ქსელთან დაშვებას წინამდებარე მოწვევის ოფერტის #1 დანართში მითითებულ მონაკვეთებზე და გეოგრაფიულ ზონებში.

2.2. დაშვების პროცედურის ინიცირებისათვის აუცილებელი წინაპირობაა, რომ აქცეპტანტს არ ჰქონდეს ოფერენტის მიმართ შეუსრულებელი რაიმე სახის ფულადი ვალდებულება და,

რომ აქცეპტანტმა ოფერენტს წარუდგინოს შემდეგი დოკუმენტები („აქცეპტის დოკუმენტაცია“):

2.2.1. ელექტრონული კომუნიკაციების შესახებ საქართველოს კანონის შესაბამისად აქცეპტანტის მიერ მოპოვებული ავტორიზაციის დამადასტურებელი დოკუმენტის ასლი;

2.2.2. ამონაწერი მეწარმეთა და არასამეწარმეო (არაკომერციული) იურიდიული პირების რეესტრიდან აქცეპტანტის შესახებ;

2.2.3. აქცეპტანტის უფლებამოსილი წარმომადგენლის პირადობის დამადასტურებელი დოკუმენტის ასლი;

2.2.4. აქცეპტანტის უფლებამოსილი წარმომადგენლის უფლებამოსილების დამადასტურებელი დოკუმენტის ორიგინალი ან დამოწმებული ასლი, იმ შემთხვევაში თუ აქცეპტანტს წარმოადგენს პირი, რომელიც არ არის მითითებული 2.2.2 პუნქტში მითითებულ ამონაწერში;

2.2.5. აქცეპტანტის უფლებამოსილი წარმომადგენლის მიერ ხელმოწერილი და შევსებული აქცეპტის ფორმა.

2.3. აქცეპტის დოკუმენტაცია აქცეპტანტმა უნდა გააგზავნოს წერილობითი ფორმით, ფოსტით ოფერენტის რეგისტრირებულ მისამართზე ან/და ელექტრონული ფოსტით შემდეგ მისამართზე: [tamar.kalandadze@grt.ge](mailto:tamar.kalandadze@grt.ge) იმ აქცეპტანტს, რომელმაც პირველად წარადგინა აქცეპტის დოკუმენტაცია, რომელიც აკმაყოფილებს მოწვევის ოფერტით დადგენილ პირობებს, ენიჭება უპირატესობა სხვა განაცხადებთან მიმართებაში.

2.4. აქცეპტის დოკუმენტაციის წერილობით ან/და ელექტრონული ფოსტით მიღებიდან 5 (ხუთი) საშუალო დღეში ოფერენტი შეისწავლის მათ შესაბამისობას ზემოთ მითითებულ მოთხოვნებთან.

2.5. იმ შემთხვევაში, თუ აქცეპტის დოკუმენტაცია არ აკმაყოფილებს წინამდებარე მუხლის მოთხოვნებს ან აქცეპტანტს გააჩნია შეუსრულებელი ფულადი ვალდებულებები ოფერენტის მიმართ ან ოფერენტს არ გააჩნია აქცეპტის ფორმით მოთხოვნილი მომსახურების გასაწევად თავისუფალი რესურსი, მაშინ ოფერენტი დაუბრუნებს აქცეპტანტს აქცეპტის დოკუმენტაციას და ჩაითვლება, რომ აქცეპტი არ გაკეთებულა და, შესაბამისად, ოფერენტს არ აქვს ვალდებულება უზრუნველყოს აქცეპტანტის დაშვება მაგისტრალურ/მიროთად (“trunk”) ან/და “Backhaul” გადაცემის ქსელთან.

2.6. იმ შემთხვევაში, თუ აქცეპტის დოკუმენტაცია აკმაყოფილებს წინამდებარე მუხლის მოთხოვნებს, აქცეპტანტს არ გააჩნია შეუსრულებელი ფულადი ვალდებულებები ოფერენტის მიმართ და ოფერენტს აქვს შესაბამისი რესურსი მომსახურების გასაწევად, მაშინ ოფერენტი აქცეპტის დოკუმენტაციის მიღებიდან არაუგვიანეს 5 (ხუთი) დღის ვადაში:

უგზავნის მეორე მხარეს მაგისტრალურ/ძირითად ("trunk") და „Backhaul“ გადაცემის ქსელთან დაშვების მომსახურების ხელშეკრულების („მომსახურების ხელშეკრულება“) სამ ეგზემპლარს, რომელთაგან თითოეული მოიცავს ოფერენტის უფლებამოსილი წარმომადგენლის ხელმოწერას. ასეთ შემთხვევაში აქცეპტანტი ვალდებულია 4 (ოთხი) დღის ვადაში დაუბრუნოს ოფერენტს აქცეპტანტის უფლებამოსილი წარმომადგენლის მიერ ხელმოწერილი მომსახურების ხელშეკრულების ორი ეგზემპლარი. დათქმულ ვადაში აქცეპტანტის მიერ მომსახურების ხელშეკრულების სათანადო ფორმით ოფერენტისთვის წარუდგენლობის შემთხვევაში ჩაითვლება, რომ აქცეპტანტი უარს ამბობს წინამდებარე მოწვევის ოფერტით ოფერენტის მიერ შეთავაზებულ მომსახურებაზე და, რომ აქცეპტანტსა და ოფერენტს შორის არ წარმოიშობა შესაბამისი სამართლებრივი ურთიერთობა.

2.7. მომსახურების ხელშეკრულება ძალაში შედის მხარეთა მიერ მისი ხელმოწერისთანავე და მოქმედებს 1 (ერთი) წლის ვადით.

2.8. მომსახურების ხელშეკრულების საფუძველზე ოფერენტის მიერ აქცეპტანტისათვის მომსახურების გაწევა დაიწყება აღნიშნული ხელშეკრულების ძალაში შესვლიდან 5 (ხუთი) სამუშაო დღის ვადაში, იმ პირობით, რომ მოცემულ ვადაში აქცეპტანტი დააკმაყოფილებს მომსახურების ხელშეკრულებით განსაზღვრულ ტექნიკურ მოთხოვნებს.

2.9. მომსახურების ხელშეკრულების მოქმედების განმავლობაში ნებისმიერ დროს, იმ პირობით, რომ მოცემული მომენტისათვის აქცეპტანტს შესრულებული აქვს ოფერენტის მიმართ ყველა ფულადი ვალდებულება, აქცეპტანტი უფლებამოსილია მოითხოვოს მომსახურებისთვის დამატებითი სიმძლავრის გამოყოფა. ასეთი წერილობითი მოთხოვნის მიღების შემდეგ, იმ შემთხვევაში თუ ოფერენტს აქვს შესაბამისი რესურსი, ოფერენტი და აქცეპტანტი გააფორმებენ შესაბამის ცვლილებას მომსახურების ხელშეკრულებაში. აქცეპტანტის მოთხოვნის გაგზავნა, განხილვა და დადასტურება, ხოლო შემდგომ ოფერენტის მიერ აქცეპტანტისათვის ცვლილებების პროექტის გაგზავნა და გაფორმება ხდება ამ მუხლით განსაზღვრული პირობებისა და ვადების ანალოგიურად.

2.10. მომსახურების ხელშეკრულების მოქმედება შეიძლება შეწყდეს შემდეგი საფუძვლებით:

2.10.1. მხარეთა შეთანხმება;

2.10.2. მოქმედების ვადის გასვლა;

2.10.3. ერთ-ერთი მხარის მიერ მოწვევის ოფერტის ან მომსახურების ხელშეკრულების პირობების სისტემატური დარღვევა ან არაჯეროვანი შესრულება, თუ ამგვარი დარღვევა არ აღმოიფხვრა. დამრღვევი მხარის მიერ მეორე მხარისაგან წერილობითი შეტყობინებიდან 10 (ათი) სამუშაო დღის განმავლობაში;

2.10.4. ერთ-ერთი მხარის ლიკვიდაცია;

2.10.5. ერთ-ერთი მხარის მიმართ გადახდისუუნარობის საქმის წარმოების დაწყება;

2.10.6. საქართველოს კანონმდებლობით დადგენილი სხვა საფუძველები.

**მუხლი 3. მომსახურების ტექნიკური საკითხები ხარისხი და პასუხისმგებლობა**

- 3.1. მომსახურების მისაღებად აქცეპტანტი ვალდებულია საკუთარი ძალისხმევითა, სახსრებით და რისკით უზრუნველყოს მიერთება #1 დანართში მითითებული შესაბამისი მონაკვეთის დაშვების წერტილზე.
- 3.2. დაშვების პროცედურების დასრულების შემდეგ 3 (სამი) სამუშაო დღის განმავლობაში მხარეებმა უნდა განხორციელონ აქცეპტანტისთვის გამოყოფილი რესურსების ფიზიკური პარამეტრების ტესტირება, რომელიც გულისხმობს რესურსების მახასიათებლების მოთხოვნილ პარამეტრებთან შესაბამისობის დადგენას („ტესტირება“). ტესტირებას უნდა ესწრებოდნენ ორივე მხარის წარმომადგენლები. ტესტირების დასრულების შემდეგ მხარეებმა უნდა გააფორმონ შესაბამისი მიღება-ჩაბარების აქტი, სადაც ასახავენ ტესტირების შედეგებს.
- 3.3. მომსახურების ფარგლებში ოფერენტი უზრუნველყოფს მომსახურების 99,5% ხელმისაწვდომობას (ანუ შეუფერებლად მიწოდებას) ყოველი შესაბამისი კალენდარული თვის განმავლობაში, ანუ ოფერენტი ვალდებულია გაუწიოს მეორე მხარეს მომსახურება იმგვარად, რომ მომსახურების შეფერხება არ უნდა აღემატებოდეს 3 საათსა და 40 წუთს შესაბამისი კალენდარული თვის განმავლობაში.
- 3.4. ოფერენტი ვალდებულია აღმოფხვრას საკუთარი ქსელის ნებისმიერი დაზიანება, რომელიც აფერხებს აქცეპტანტის მიერ მომსახურების ხელშეკრულების საფუძველზე გადაცემული ღირით სარგებლობის უფლებას, გონივრულ ვადაში, რომელიც არ უნდა აღემატებოდეს კომისიის 2006 წლის 17 მარტის #3 დადგენილებით დამტკიცებული „ელექტრონული კომუნიკაციების სფეროში მომსახურების მიწოდების წესებისა და მომხმარებელთა უფლებების დაცვის შესახებ“ რეგლამენტით გათვალისწინებულ ვადებს.
- 3.5. იმ შემთხვევაში თუ მეორე მხარეს არ მიეწოდება მომსახურება (გარდა იმ შემთხვევისა, როდესაც ხელშეკრულება გამოიცხადეს ოფერენტის პასუხისმგებლობას ამგვარი დარღვევისთვის), მეორე მხარე უფლებამოსილია დააკისროს ოფერენტს პირგასამტებლო შემდეგი ოდენობით:

მომსახურების ხანგრძლივობა	მიუწოდებლობის პირგასამტებლო მომსახურების თვიური საფასურის %
ყოველ ერთ საათზე	1%

**მუხლი 4. ექსტრაორდინარულ, ფორსმაჟორულ შემთხვევებთან დაკავშირებული პირობები და მხარეთა ურთიერთვალდებულებები**

- 4.1. მხარეთა პასუხისმგებლობა არ დგება დაუძლეველი ძალის მოქმედების შემთხვევაში. მხარეები თავისუფლდებიან პასუხისმგებლობისაგან ვალდებულებების სრული და ნაწილობრივი შეუსრულებლობისათვის დაუძლეველი ძალის მოქმედების შემთხვევაში, რომლის დროსაც შეუძლებელია მოწვევის ოფერტითა და მომსახურების ხელშეკრულებით გათვალისწინებული ვალდებულებების შესრულება.
- 4.2. „დაუძლეველი ძალის“ ქვეშ იგულისხმება გარემოებები, რომლებიც არ არსებობდნენ მომსახურების ხელშეკრულების გაფორმების დროს და რომელთა დადგომა და ზემოქმედება მხარეებს არ შეეძლოთ თავიდან აეცილებინათ და გადაელახათ. კერძოდ, წყალდიდობა, მიწისძვრა, აფეთქებები, ხანძარი, ავარია, ომი და საომარი მოქმედებები, ბლოკადა, გაფიცვები. კანონმდებლობის ცვლილებები, რომლებიც აუარესებენ წინამდებარე ხელშეკრულებას სუბიექტების სამართლებრივ სტატუსსა და რეჟიმს, თუ ნებისმიერმა ზემოთნახსენებმა გარემოებამ უშუალოდ იმოქმედა მხარეთა მიერ ნაკისრი ვალდებულებების შესრულების ვადებზე, მაშინ ეს ვადები ამ გარემოებების მოქმედების დროის თანაბარზომიერად გაიზრდება.
- 4.3. მხარე, რომლისთვისაც ფორს-მაჟორული გარემოებების დადგომის გამო შეუძლებელი შეიქმნა ვალდებულებების შესრულება, ვალდებულია დაუყოვნებლივ, მაგრამ ყველა შემთხვევაში არაუგვიანეს ხუთი დღისა ამ გარემოებების დადგომიდან და დასრულებიდან, აცნობოს მეორე მხარეს.
- 4.4. შეუტყობინებლობისა და დაგვიანებული შეტყობინების შემთხვევაში შესაბამისი მხარე კარგავს უფლებას დაეყრდნოს ფორს-მაჟორული გარემოებების არსებობას, როგორც პასუხისმგებლობისგან გათავისუფლების საფუძველს. შეტყობინებაში მითითებული ფაქტები შემდგომში უნდა დასტურდებოდეს.
- 4.5. თუ დაუძლეველი ძალის მოქმედება გრძელდება 15 დღეზე მეტხანს, მხარეებმა უნდა გადაწყვიტონ მომსახურების ხელშეკრულების მოქმედების შეწყვეტის საკითხი.

**მუხლი 5. ანგარიშსწორების პირობები**

- 5.1. აქცეპტანტისათვის ოფერენტის მიერ გაწეული მომსახურების საფასური („მომსახურების საფასური“) გამოიანგარიშება აქცეპტანტის მიერ ერთ ან/და რამდენიმე მონაკვეთზე მოთხოვნილი სიმძლავრეების ჯამური მოცულობით, #2 დანართში მითითებული ტარიფების შესაბამისად.
- 5.2. ოფერენტი უფლებამოსილია ცალმხრივად შეცვალოს მოწვევის ოფერტით განსაზღვრული ტარიფები რა შემთხვევაშიც, ოფერენტი ვალდებულია 30 (ოცდაათი) კალენდარული დღით ადრე აცნობოს მეორე მხარეს ტარიფების ცვლილების შესახებ და შეცვალოს მომსახურების ხელშეკრულებით გათვალისწინებული ტარიფები.

5.3. მხარეებს შორის ანგარიშსწორება წარმოებს ყოველთვიურად წინასწარი გადახდის წესით უნაღდო ანგარიშსწორების გზით. ანგარიშსწორება მხარეთა შორის ხორციელდება ყოველი საანგარიშო პერიოდის, კალენდარული თვის, 14 (თოთხმეტი) რიცხვამდე, ოფერენტის მიერ მეორე მხარისთვის წარდგენილი ინვოისის საფუძველზე სრული მოცულობით.

5.4. ანგარიშსწორების ვადის დარღვევის შემთხვევაში ოფერენტი უფლებამოსილია ვალდებულების დარღვევის დღიდან დაარიცხოს აქცეპტანტს, ხოლო აქცეპტანტი ვალდებულია გადაუხადოს ოფერენტს პირგასამტეხლო გადასახდელი თანხის 0.1%-ის ოდენობით ყოველ ვადაგადაცილებულ დღეზე. ორაზროვნებისა და გაუგებრობის თავიდან აცილების მიზნით მხარეები თანხმდებიან, რომ გადახდილი თანხები პირველ რიგში მოხმარდება დარიცხული პირგასამტეხლოს ოდენობის დაფარვას და მეორე რიგში - ძირითადი დავალიანების დაფარვას.

#### მუხლი 6. მოწვევის ოფერტის მოქმედების ვადა

6.1. წინამდებარე მაგისტრალური საკომუნიკაციო ციფრული სისტემების ტერმინალურ ელემენტებთან და მათ რესურსებთან დაშვების და მაგისტრალური საკომუნიკაციო არხებით მომსახურების შეთავაზების წინადადება ძალაში შედის 2019 წლის 16 იანვარს და მოქმედებს 3 (სამი) წლის ვადით.

#### მუხლი 7. დასკვნითი დებულებები

7.1. მხარეთა შორის შეტყობინება განხორციელებულად მიიჩნევა მისი წერილობითი ფორმით შესრულებისა და უფლებამოსილი პირის დამოწმების შემთხვევაში. შეტყობინება მხარეებს უნდა მიეწოდოს კურიერის, დაზღვეული წერილის, ან ფაქსის მეშვეობით ხელშეკრულებაში მითითებულ მისამართებზე, თუ მეორე მხარე 5 (ხუთი) სამუშაო დღით ადრე არ შეატყობინებს საკუთარი მისამართის შეცვლის შესახებ.

7.2. ერთ-ერთი მხარის მიერ მოწვევის ოფერტით ან მომსახურების ხელშეკრულებით გათვალისწინებული რომელიმე უფლების გამოუყენებლობა არ წარმოადგენს ასეთი უფლების უარყოფას ან ასეთ უფლებაზე საბოლოოდ უარის თქმას.

7.3. ოფერენტსა და მეორე მხარეს შორის წარმოშობილი ნებისმიერი დავა და უთანხმოება წყდება მოლაპარაკების გზით. შეთანხმების მიუღწევლობის შემთხვევაში მხარეებს შორის დავა წყდება მოქმედი კანონმდებლობის შესაბამისად.



დანართი #1

მომსახურების მონაკვეთები და გეოგრაფიული ზონები

1. გარდაბანი - წითელი ხიდი (საზღვრის ნეიტრალურ ზონაში)

დანართი #2

მომსახურების ტარიფები

ერთ კილომეტრზე ერთი მარღვის იჯარა თვეში 14,90 ლარის ოდენობით (გადასახადების გარეშე).

დანართი #3

მოწვევის ოფერტაზე აქცეპტის ფორმა

1. აქცეპტანტის ორგანიზაციულ სამართლებრივი ფორმა: \_\_\_\_\_
- აქცეპტანტის საფირმო სახელწოდება: \_\_\_\_\_
- აქცეპტანტის იურიდიული მისამართი: \_\_\_\_\_
- აქცეპტანტის საიდენტიფიკაციო კოდი: \_\_\_\_\_
- აქცეპტანტის წარმომადგენელი: \_\_\_\_\_
- (პოზიცია, სახელი და გვარი) \_\_\_\_\_

2. აქცეპტანტის მიერ მოთხოვნილი მაგისტრალურ/ძირითად (trunk) და „Backhaul“ გადაცემის ქსელთან დაშვების მომსახურება:

მომსახურები ზონა (მონაკვეთები და მისამართები):

\_\_\_\_\_

მოცულობა:

\_\_\_\_\_

3. აქცეპტანტის საკონტაქტო ინფორმაცია:

საკონტაქტო პირ(ებ)ის სახელი და გვარი	საკონტაქტო პირის პოზიცია	ელ. ფოსტის მისამართი	ტელეფონის ნომერი

4. შენიშვნა

\_\_\_\_\_

წინამდებარე აქცეპტის ფორმაზე ხელმოწერით აქცეპტანტი ადასტურებს, რომ იგი სრულად გაეცნო, ეთანხმება და უპირობოდ შეასრულებს მოწვევის ოფერტის ყველა და ნებისმიერ პირობას.

\_\_\_\_\_ [ხელმოწერა]

\_\_\_\_\_

201\_

წლის

[აქცეპტანტის უფლებამოსილი წარმომადგენლის პოზიცია და სახელი და გვარი სრულად]